



Concilia Provincialia Mediolanensis Sex

Borromeo, Carlo

Venetiis, 1602

De orator ijs, in quibus Missa non celebratur.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

3 *Tūm præterea hæc, quæ ordine infra notata est.*
Vas vsui abstersionis calicum, patenarum, & lauationis corporalium,
ac purificatoriorum.

*Mantilia longiora, quattuor, apud labrum lauationis manuum ap-
 pendenda.*

*Mappæ duæ, ad vsū Altaris Sacristiæ, seu Armarij, apud quod Sa-
 cerdos sacras vestes induit.*

Tapetum, seu clathra lignea, vbi Sacerdos sacras vestes induit.

Tabella sacrarum Reliquiarum in ea Ecclesia reconditarum.

Tabella item de Indulgentijs eidem Ecclesiæ perpetuò concessis.

Tabella orationū: quibus preparatorijs vtitur Sacerdos celebratum.

Tabella orationum, ad vsū Sacerdotis, sacras vestes induentis.

Tabella de Missis, Funeralibus, Commemorationibus, & alijs officijs.

*Tabella colorum: qui in sacris indumentis pro ritu officij singulis die-
 bus adhibentur.*

*Liber Missarum: in quo scilicet vnusquisque Sacerdos sua manu notat,
 & scribat, qui in singulos dies Missæ sacrum fecerit.*

Liber de cerimonijs Missæ.

Liber harum Instructionum.

Vas olearium maius, pro oleo lampadis.

Vas minus itidem ad vsū infundendi olei in lampadem.

*Infundibulum, & vas olei, è vase maiusculo excipiendi; rursumque in
 alterum minusculum infundendi vsū.*

Scopulæ paruulæ ex cannulis palustribus.

Perticæ, bastiliauæ.

De Oratorijs, in quibus Missa non celebratur.

S V M M A R I V M.

- 1 *Oratoria, in quibus Missa non celebratur, vbi, & qua forma edifi-
 canda.*
- 2 *Altare non habeant.*
- 3 *Fenestellas quot habeant, & vbi conficiendæ.*
- 4 *Vtque oratoria claudenda.*
- 5 *Clavis à quo retinenda.*
- 6 *Oratoria angusta, vt sepienda.*
- 7 *Quæ ab eis remouenda.*
- 8 *Imagines in exteriori eorum pariete non pingendæ.*



*Ratoria porò, ubi sacrum non fit, quæ in vijs ex-
strui solent, exstruantur non in campis; sed in
via publica, ut iter facientes, eorum locorum, pro-
spectu piè commoti, paululum precando consistant.
In quibus etiam exædificandis, vig locus deligatur
paulò editior, & à vehiculorum actu aliquantò re-
motior, quò melius à luto, aquaue luculenta de-*

*Inst. fab. Eccl.
lib. 1. cap. 30.
4. De orato-
rijs in via si-
tis §. Exstruã
tur.*

fendantur.

Forma quadrata, vel rotunda, vel alia, quæ pro loci ratione decen-
tior videatur, ornate exedificentur, benèque tecta sint, ut sacræ imagi-
nes à pluvia integræ conseruentur.

Opere tectorio foris incrustentur; intus verò politè dealbata, cru-
cifixi, aut beatæ Mariæ Virginis, aut sancti, sanctæque alicuius imagine
sacra, aut tabula piè expressa, quæ parieti hæreat, exornentur.

2 Altare nullum omninò habeant.

Oratoria, ubi Missæ sacrificium non fit in vijs, & eiusmodi locis po-
sita Altare nullum omninò habeant.

4. Ibidem.

3 Singula fenestellulas tres, firmiter clathratas, unde precandi causa
introrsum genibus flexis inspiciatur, in parte anteriori habeant, duas hinc
inde ab ostio, & in valuis tertiam. Si oratoria angusta sunt, in ipsa va-
luis una solum fieri aptè potest.

Inst. fab. Ibi.

Quorum Oratoriorum ostium, si è solido affere constabit; nec verò
cancellis erit compactum, fenestella in eo, ac duæ præterea, in parte
anteriori scilicet, ab utraque ostij parte sint, clathris ligneis saltem
munitæ, ut intro à prætereuntibus possit sacra ipsa imago inspicere, ac
veneratione coli.

4. Ibidem.

4 Valuis & clauæ ab ostio muniantur.

4. & Inst. fab.

5 Quæ clavis à Parocho custodiatur, intrà cuius Parochiæ fines po-
sita illa sunt.

4. Ibidem.

6 Quæ verò Oratoria ità angusta sunt, ut nè ostij quidem valuas, in-
tus patentes capiant; ijs nullus ingressus detur; sed cancellis ligneis ab
ostij parte sepiari possunt, reliqua ædificationis ratione ad prescriptum
seruata.

Inst. Ibid.

Si verò pariete à lateribus non sepiantur, cancellis etiam ligneis ab
illis partibus claudantur.

Neque alienum esset, longurijs circum sepiari, ut equi, iumentaue atque
bestiæ procul sint.

Quæ oratoria si ità angusta sunt, ut nè ostij quidem valuas, intus pa-
tentes, capiant, cancellis ligneis à parte anteriori sepiantur.

4. Ibidem.

7 A rubis, & spinis, alijsque id generis, quæ adnasci solent, ab arbo-
ribus item, stirpibus, alijsue eiusmodi arbusculis remota sint; ut nè rami

Inst. Ibid.

M m diffusi

diffusi tecta operiant: unde detrimentum ipsis tectis existat.

Inft. & 4. Ibi.

8 Et quoniam sacra imagines, quæ in exteriori pariete Oratorij exprimi solent, cum ita expositæ sint, luto, sordibus inquinari, vel indecentius, iniuriosius tractari possunt, nè extrinsecus in ipsis Oratorij parietibus pingantur, aut alio modo exprimantur, nisi edito loco fiat, ubi ab omni labe integræ conseruentur. Hactenus quartum, & Institutio fabricæ, quod sequitur, ex quarto tantum. In ipsis vero Oratorij intus aliqua omninò sacra imago sit.

Quæ pertinent ad bonorum, & iurium Ecclesiasticorum conseruationem, rectam administrationem, & dispensationem.

S V M M A R I V M.

- 1 Inuentarium omnium rerum, bonorum, & reddituum ad Ecclesiam pertinentium à quibus; infra quod tempus; & quibus adhibitis conficiendum.
- 2 Eiusdem inuentarij quot exempla, & ubi aseruanda.
- 3 Inuentaria in visitationibus deferenda.
- 4 Inuentario conficiendo, peccantes, ut puniantur, Jurapatronatus, vnionesq; perpetuæ ab Episcopo recognoscende.
- 5 Bonis Ecclesiasticis, quoniam modo caducis factis, qualiter pena caducitatis remittenda.
- 6 Eisdem feudi nomine datis, conseruandis modus præscriptus.
- 7 Ordinariorum ea in re officium.
- 8 Quibus ea non locanda, aut in emphyteusim, pignoriuè danda. Et de ijs quæ ad Capitula, &c. nu. 23. De Iudæis, nu. 10.
- 9 Quibus eorum administratio non committenda.
- 10 Locationes eorundem bonorum quæ ab Episcopo recognoscenda, & nulke declaranda.
- 11 Recognitio ipsa quando ab alio Episcopo fienda.
- 12 Bonorum Ecclesiasticorum permutatio, alienatione, quando irrita sit.
- 13 Eorundem alienatio, ita facta, ut superioris auctoritate fulciatur, quando nulla declaretur.
- 14 Eadem alienata, semel recuperata, nondum etiam incorporata non locentur, alienentur, nisi ob utilitatem, aut necessitatem.
- 15 Bonorum in emphyteusim, vel ad longum tempus traditorum memorie conseruande modus præscribitur.
- 16 Locationum vi, quæ pactiōibus de prædijs melioribus reddendis factis, quæ expensæ à conductore fieri, quæque à locatore exigi possint.